

## Morning Dogri (NSD) Bulletin 02-01-2025

### आकाशवाणी

खबरां पूनम डोगरा कोला

- 1.** भोपाल गैस त्रासदी दे **40**एं बरें परैन्त यूनियन कॉर्बाइड फैक्ट्री थमां **337** मीट्रिक टन खतरनाक कचरे गी हवाया गेआ ऐ।
- 2.** महाराष्ट्र दे गढ चिरौली च **11** नक्सलियं सुरक्षाबलें अग्गे आत्मसमर्पण कीता ऐ।
- 3.** जंदे दिसम्बर म्हीने जीएसपी संग्रैह **7** इशारिया **3** फीसद बधियै **1** लक्ख **76** जहार करोड़ रपे होई गेआ ऐ।
- 4.** अमरीका दे न्यू ऑरलियेंस च नमें बरे दे पैहले ध्याड़े इक व्यक्ति आसेआ पिकअप ट्रक भीड़ पर चाढ़ी दिते जाने करी **15** लोकें दी मौत ते **35** जने जख्मीं होई गे।
- 5.** गणतंत्र दिवस परेड ते बीपिंग रिट्रीव लेई टिकों दी बिक्री अज्जै थमां शुरू होआ करदी ऐ।
- 6.** हाकी इंडिया लीग च जंदी रातीं बेंगाल टाईगर्स नै टीम गोनासिका गी **2-1** कन्नै हराई दिता।



## **Bhopal Gas**

भोपाल गैस त्रासदी दे 40एं बरें परैन्त कल रातीं यूनियन कॉर्बाइड फैक्ट्री थमां 337 मीट्रिक टन खतरनाक कचरे गी हवाया गोआ ऐ। एह जैहीला कचरा सील बंद 12 कंटेनरें च भोपाल थमां 2 सौ 50 किलोमीटर दूर धार जिले दे पीथमपुर औद्योगिक खेतर च पुजाया जा करदा ऐ। कंटेनरें दा ट्रक कल रातीं तकरीबन 9 बजे रवाना होआ। भोपाल गैस त्रासदी राहत ते आबादकारी मैहकमे दे डरैकर स्वतंत्र कुमार सिंह होरें दस्सेआ जे इन्नें गड्डिएं लेई हरित गलियारा तैयार कीता गोआ ऐ। उनें इब्बी दस्सेआ जे एहदे चा किश कचरा पीथमपुर दी कचरा खपाने आहली इकाई च फुक्केया जाहग ते स्वाह च नुक्सानदेह तत्वें दी मजूदगी दी जांच कीती जाहग। भट्ठी थमां निकलने आहला धुआं चउं स्तरें आहले खास फिल्परें राहें निकलोग तांजे आले-दोआले दा इलाका प्रदूषित नेई होऐ। 2 ते 3 दिसम्बर 1984 दी रातीं यूनियन कॉर्बाइड कीटनाशक फैक्ट्री थमां बड़ी मती बिसली मिथाइल आइसोसाइनेट गैस दा रिसास होआ हा। इस घाणा च तकरीबन 5 जहार 479 लोकें दी मौत होई गई ही ते जहारां बद्धे लोक गंभीर ते लम्मी अवधि आहली सेहत समस्याएं थमां ग्रस्त होई गे हे। एह घाणा दुनिया दी सब्बनें शा भीषण औद्योगिक आपदाएं चा इक्क मन्नी जंदी ऐ। मध्य प्रदेश हाईकोर्ट नै बिसले कचरे गी मुंतकिल करने लेई चउं हफतें दी समें सीमा तय कीती ऐ।



## **Maharashtra**

महाराष्ट्र दे नक्सल प्रभावित जिले गढ़पिरोली च मुख्यमंत्री देवेन्द्र फडणवीस हुंदी मौजूदगी च पुलस दे समक्ष कुख्यात नक्सली नेता तरका सने 11 नक्सलियें आत्मसमर्पण करी दिता ऐ। इंदे च 8 महिलां ते 3 मर्द शामिल हे। तरका अपने संगठन दा जोनल कमांडर ऐ ते नक्सली गतिविधियें च पिछले 34 बरे थमां सक्रिय रेआ ऐ। आत्मसमर्पण करने आहले इनें सब्बनें नक्सलियें गी आम जीन जीने लेई राज्य सरकार दी तरफा 86 लकख रपे दी आर्थिक मदद दिती गई ऐ।



## **GST**

दिसंबर 2023 दे मुकाबल च पिछले म्हीने कुल माल समेयान ते सेवा सरबंधी टैक्स-जीएसटी संग्रह 7 इशारिया 3 प्रतिशत शा बधिये 1 लकख 76 जहार करोड़ रपे शा मता हासल होआ ऐ। दिसंबर 2023 च कुल सकल जीएसटी राजस्व इक्क लकख 64 जहार करोड़ रपे हा। दिसंबर च केंद्री जीएसटी संग्रह 32 जहार 836 करोड़ रपे ते राज्य जीएसटी 40 जहार 99 करोड़ रपे रेआ। एकीकृत आई.जी.एस.टी संग्रह 47 जहार 783 करोड्दय रपे ते उपकर 11 जहार 471 करोड़ रपे रेआ।



## **Terror-Attack**

अमरीका च, न्यू ऑरलियेस दे फ्रेंच क्वार्पर च कल नमें बर्रे दे पैहले ध्याड़े इक व्यक्ति आसेआ पिकअप ट्रक भीड़ पर चाढ़ी दिते जाने करी 15 लोकें दी मौत होई गई ते 35 जने जख्मीं होई गे। आतंकवादी हमला मन्नियै इस घणना दी जांच कीती जा करदी ऐ। संदिग्ध दी पन्छान 42एं बर्रे दे शमसुद्दीन बहार जब्बार दे रूपै च होई ऐ जेहड़ा पुलस दे कन्नै गोलीबारी च मारेया गेआ। ओहदे कोला राइफल बरामद होई ऐ। ट्रक पर लग्गे दे काले झंडे दी जांच आतंकवादी गुण इस्लामिक स्टोण ते होरनें विदेशी आतंकवादी गुण कन्नै संपर्क लेई कीती जा करदी ऐ। सूत्रें मूजब जब्बार जनवरी 2015 तगर अमरीकी फौज च ते जुलाई 2020 तगर रिजर्व फौज च कम्म करै करदा हा। राष्ट्रपति जो. बाइडेन होरें इस हमले दी निंदेआ कीती ऐ। उनें पीड़ित परोआरें दे प्रति संवेदना व्यक्त कीती ते जांच ते राहत कम्में च सरकारी सैहयोग दा आश्वासन दिता।



## **PM**

प्रधानमंत्री नरेंद्र मोदी हुंदे नेतृत्व च बरे 2024 च भारत दी सभ्यतागत विरासत ते सांस्कृतिक गौरव च सराहनेजोग बाद्दा होआ ऐ। अयोध्या च राम मंदर च श्रीराम लला दी प्राण प्रतिष्ठा, इक महत्वपूर्ण आध्यात्मिक ते सांस्कृतिक अवसर रेआ। प्रधानमंत्री मोदी हुंदे आसेआ अबू धाबी च बोथा सन्वासी, अक्षर पुरुषोत्तम स्वामी नारायण संस्था मंदर दा उद्घाणन भारत दे सांस्कृतिक सरबंधें च इक महत्वपूर्ण उपलब्धि ही।



## PM-Daljit

गायक ते अभिनेता दिलजीत दोसांझ होंरें कल नर्मी दिल्ली च प्रधानमंत्री नरेन्द्र मोदी हुंदे कन्नै मलापी कीती। इक सोशल मीडिया पोस्ट च श्री मोदी होंरें आखेआ जे दिलजीत दोसांझ बहुमुखी प्रतिभा दे धनी न ते उंदी शखिसयत च प्रतिभा ते परंपरा दा बड़ा बधिया मेल मजूद ऐ। श्री दोसांझ होंरें आखेआ जे बरें **2025** दी शुरूआत बड़ी खरी रेई ऐ ते प्रधानमंत्री हुंदे कन्नै बड़ी गै यादगार बैठक लग्गी जेहदे च संगीत सने नेकां विशें पर गल्लबात होई। इस मौके पर योग ते एहदे फायदें गी लेइयै बी गल्लबात कीती गेई। श्री दोसांझ होंरें गलाया जे देश दी जातरा करदे होई उनेंगी मैहसूस होआ जे भारत गी आखर कीह इन्ना म्हान आखेआ जंदा ऐ। श्री मोदी होंरें आखेआ जे भारत दी सब्बनें शा म्हान शक्ति एहदा जीवंत समाज ऐ।



## Iran

ईरान दे उप विदेश मंत्री माजिद तखत रावची होर अज्ज थमां भारत दी दो दिन दी जातरा पर होंगन। इस दौरान ओह् अज्ज ते कल नर्मी दिल्ली च ईरान-भारत राजनीतिक परामर्श दे **19**में दौर दी बैठक च हिस्सा लेंगन। भारत ते ईरान बश्कार बड़े पराने सरबंध रेय न जेड़े सांस्कृतिक ते आर्थिक

सरबंधें दे आधार उप्पर होर मजबूत होए न। **2003** बरे च दवै मुल्खें बशकार महत्वपूर्ण सांझेदारी समझौते कन्नै इनें सरबंधें गी औपचारिकता मिली। एह सांझेदारी मुख तौरा पर उर्जा ते बपार दे खेतर च विकसित होई ते **2022-23** बरे च दपक्खी बपार साइडे **17** अरब डालर तगर पुज्जी गेआ।



### **Amit Shah Book**

केंद्री गृह मंत्री अमित शाह होर अज्ज नमीं दिल्ली च इक कताब दे विमोचन आहले कार्यक्रमै च मुख परौहने दे तौर पर शामिल होडन। केंद्री शिक्षा मंत्री धर्मेन्द्र प्रधान बी इस मौके पर उत्थे मजूद रौहडन। कार्यक्रम च केई मन्ने-परमन्ने दे लखारी, शिक्षाविद, मंत्रालय दे अधिकारी ते होर दुए गणमान्य परौहने बी शामिल होडन। 'जम्मू-कश्मीर एंड लद्दाख : थू द एजेज़' कताब च जम्मू-कश्मीर ते लद्दाख दे त्रै जहार बरें दा इतिहास पेश कीता गेआ ऐ। एह कताब नेशनल बुक ट्रस्ट ते भारती ऐतिहासिक अनुसंधान परिषद दे सहयोग कन्नै हिन्दी ते अंग्रेजी दौनें भाशाएं च प्रकाशित कीती गई ऐ।



### **Shivraj**

केंद्री ग्रामीण विकास मंत्री शिवराज चौहान होरें आखेआ ऐ जे सब्बनें योजनाएं गी लागू करियें देश दे ग्राएं गी गरीबीमुक्त बनाया जाग। नमीं दिल्ली च अपने मंत्रालय दे कम्म-कारवाइयें दी समीक्षा करदे होई चौहान होरें आखेआ जे म्हीने

दे आधार पर लक्ष्य तय कीते जाने ते उनेंगी पूरा करने लेई सब्बै यत्न जारी रौहंगन। केंद्री मंत्री होरें आखेआ जे एह् यत्न प्रधानमंत्री नरेंद्र मोदी हुंदे गरीबी मुक्त ारत दे सुखने गी सच्च करने च अहम भूमिका निभांगन। उनें आखेआ जे प्रधानमंत्री आवास योजना ग्रामीण तैहत 42 लक्ख घरें दे निर्माण दे लक्ष्य दी दिशा च तकरीबन 32 लक्ख आवासें गी मंजूरी मिली चुकी दी ऐ ते पिछले बरे जून थमां दिसंबर तगर 4 लक्ख शा मते मकान बनाइयै तैयार होई चुके दे न।



## **Gas**

ग्रीन हाउस गैस उत्सर्जन च कमी लेआने दे देश दे यत्नें दा सकारात्मक नतीजे रेय न। बरे 2020 च ग्रीन हाउस गैस उत्सर्जन च एहदे शां पिछले बरे दे मुकाबले च तकरीबन 8 फीसद दी कमी आई ऐ। संयुक्त राष्ट्र जलवायु परिवर्तन कार्यालय गी दिते गेदे डा॥ मूजब भारत दे सकल घरेलू उत्पाद च बरे 2005 शा लेइयै 2020 दौरान ग्रीन हाउस गैस उत्सर्जन च 36 प्रतिशत दी कमी आई ऐ।



## **Hockey**

हॉकी इंडिया लीग च जंदी रातीं राउरकेला दे विरास मुंडा स्टेडियम च क्षची राढ़ बंगाल ाइगर्स नै ािम गोनासिका गी **2-1** कन्ने हराई दिता।



## **Footbal**

फुबॉल च कल पच्छम बंगाल नै गाची बाउली स्डियम च हैदराबाद च खेडे  
गेदे फाइनल च केरल गी 1-0 कन्नै हराड्यै चैंपियनशिप जिती लैती ऐ।

